

Trahadonan di Renaissance disgusta cu situacion di parkeer



ORANJESTAD – Un grupo di trahado di Renaissance marketplace, casino y hotel ta disgusta cu e situacion di parkeer. Esaki ta despues cu dialuna e dunado di trabou a cera e area di parkeer y indica cu esakinan ta pa uzo di cliente.

Despues cu nos matutino a raporta anteriormente locual ta e situacion na Renaissance Marketplace, nos colaborado di noticia a haya informacion cu e empleadonan no ta gusta e situacion y no ta descarta cu un posibel accion por escala for di e asunto aki. Segun e trahadonan a splica NoticiaCla.com. E trahadonan ta disgusta cu nan a wordo forsa pa parkeer pafo di e parkeerplaats regular, ‘pasobra e la bira ‘guest only’. Nan ta sinti cu compania no ta atendiendo esaki corecto sabiendo cu e parkeerplaats patras, ta bashi mainta.

Trahadonan rabia

“E trahadonan di Renaissance Market Place y Casino y Renaissance hotel ta hopi rabia cu herencia. Trahadonan kiermen cu nan ta traha duro pa hiba compania

dilanti y pa compania trata nan asina no ta husto” nan a bisa. E trahadonan ta sinti cu compania kier spaar pero no ta pensa riba e trahadonan. Un di e kehonan ta cu nan tin cu parkeer mas leu y ta insegur pa laga e auto sin proteccion.

Segun gerencia

“Tur cliente di (Renaissance) Marketplace y Mall por parkeer libremente”. Asina e gerente general di e propiedad, Paul Gielen a confirma na NoticiaCla.com diamars mainta.

El a reacciona riba e critica cu a bin for di dialuna ora cu e propiedad a cera e acceso regular na e luga di parkeer, pa e parti patras di e Mall y hotel.

Sigura espacio pa cliente

Segun Gielen, loke cu nan a haci ta cu tur empleado, esta di e hotel, e centro comercial y e doñonan di tiendanan, mester haci uzo di e espacio di parkeer publico, pa sigura cu nan tin suficiente espacio pa nan clientenan (huesped di hotel y tambe di e mall).

A remarca cu berdad ta dificil

pa distingui ken ta huesped y ken no, y ken ta un cliente of un persona cu simplemente kier parkeer eyan. Pa awor, e compania lo acepta bo comentario y kere cu bo lo ta bisa do e berdad di bo intencion.

“Den futuro, nos lo instala un sistema automatiza” Gielen a sigui bisa, pero no a bisa kico exactamente esey lo encera.

Den combersacion cu e vo-

cero di Arubus/Aruparking Sanin Daou, el a confirma tambe cu realmente mirando cu no tur espacio asigna pa esunnan cu tin permiso pa parkeer na nan luganan ta marca cu e strepi geel, a surgi algun caso unda cu turistanan a parkeer riba e sitio ey. A resolve e problema den forma di laga esunnan parkeer den e zona sin problema, pendiente cu ayera na final di dia, e liñanan geel tur lo keda cla awe si. □